

## IZVJEŠTAJ NEZAVISNOG REVIZORA

Vlasniku JKP "Saobraćaj i komunikacije - Tuzla" d.o.o. Tuzla

Obavili smo reviziju priloženih finansijskih izvještaja JKP "Saobraćaj i komunikacije - Tuzla" d.o.o. Tuzla (u daljem tekstu Društvo), koji se sastoje od bilansa stanja na dan 31. decembra 2015. godine, bilansa uspjeha, izvještaja o promjenama na kapitalu i izvještaja o novčanim tokovima za godinu koja je tada završila, te sažetog prikaza značajnih računovodstvenih politika i drugih bilješki uz finansijske izvještaje.

*Odgovornost Uprave za finansijske izvještaje*

Uprava je odgovorna za sastavljanje i objektivan prikaz finansijskih izvještaja u skladu sa Međunarodnim standardima finansijskog izvještavanja. Odgovornost Uprave uključuje: utvrđivanje, vođenje i primjenu te održavanje internih kontrola relevantnih za sastavljanje i objektivan prikaz finansijskih izvještaja bez materijalno značajnih grešaka koje mogu nastati kao posljedica prijevare ili pogreške, odabir i primjenu odgovarajućih računovodstvenih politika i definiranje računovodstvenih procjena primjerenih postojećim okolnostima.

*Odgovornost revizora*

Naša je odgovornost izraziti nezavisno mišljenje o priloženim finansijskim izvještajima na temelju naše revizije. Reviziju smo obavili u skladu sa Međunarodnim revizijskim standardima. Navedeni standardi zahtijevaju da postupamo u skladu s etičkim pravilima, te da reviziju planiramo i obavimo kako bi smo se u razumnoj mjeri uvjerali da finansijski izvještaji ne sadrže materijalno značajne pogreške. Revizija uključuje provođenje procedura u svrhu pribavljanja revizijskih dokaza o iznosima i objavama u finansijskim izvještajima. Odabir procedura ovisi o našoj prosudbi, uključujući i procjenu rizika materijalno značajnih grešaka u finansijskim izvještajima koje mogu nastati kao posljedica prijevare ili pogreške.

U procijenjivanju tih rizika, razmatramo interne kontrole relevantne za sastavljanje i objektivan prikaz finansijskih izvještaja u svrhu provođenja revizijskih procedura u skladu sa postojećim okolnostima, a ne u svrhu izražavanja mišljenja o učinkovitosti internih kontrola u Društvu. Revizija takođe uključuje ocjenu primijenjenih računovodstvenih politika, primjerenost računovodstvenih procjena koje je definirala Uprava, kao i ocjenu ukupnog prikaza finansijskih izvještaja.

Uvjereni smo da su revizijski dokazi koje smo prikupili dostatni i primjereni kao osnova za izražavanje našeg mišljenja.

*Mišljenje*

Po našem mišljenju, finansijski izvještaji predstavljaju objektivno i realno, u svim stavkama od materijalnog značaja, finansijski položaj JKP "Saobraćaj i komunikacije - Tuzla" d.o.o. Tuzla na dan 31. decembra 2015. godine, kao i rezultate poslovanja i promjene u izvještaju o novčanim tokovima i kapitalu za godinu koja završava sa tim datumom, u skladu sa Međunarodnim računovodstvenim standardima i Međunarodnim standardima finansijskog izvještavanja.

Tuzla, 04.04.2016. god.

doo "Revis" Tuzla  
  
Mr.sc.Sabahudin Dulbić dipl.oec.  
ovlašteni revizor



doo "Revis" Tuzla  
  
Almir Dulbić dipl. oec.  
direktor